

Bosna i Hercegovina  
Federacija Bosne i Hercegovine  
Hercegovačko – neretvanski kanton  
Ministarstvo pravosuđa, uprave i lokalne samouprave  
Sektor upravne inspekcije  
Broj:04-04-218/26  
Mostar:28.04.2026. godine.

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 04-05-2026			
Org. jed.	Broj	Priloga	Vrijednost
05/1	-02-	188	/26

Parlament Federacije  
Zastupnički dom/ Predstavnički dom  
Sekretar /tajnik Ivan Miličević  
Ul. Hamdije Kreševljakovića br 3.  
71000 Sarajevo

Predmet : ODGOVOR na zastupničko pitanje koje je postavio Sanel Kajan iz Mostara zastupnik u Zastupničkom domu Parlamenta Federacije Bosne i Hercegovine

U zahtjevu koji je Upravnoj inspekciji ovoga ministarstva podnio Sanel Kajan iz Mostara zastupnik u Zastupničkom domu Parlamenta Federacije Bosne i Hercegovine navodi da je kao zastupnik u Zastupničkom domu Federacije Bosne i Hercegovine podnio Zastupničko pitanje koje se odnosi na iscertavanje murala i grafita koji veličaju presuđene ratne zločince i sadrže govor mržnje, traži od Glavnog kantonalnog upravnog inspektora odgovor o tome i da izvrši inspeksijski nadzor nad Službom za inspekciju Grada Mostara.

O navedenom traženju dajemo Vam sljedeći Odgovor i to da je Upravna inspekcija HNK postupajući u okviru zakonskih ovlaštenja i u skladu sa Vašim zahtjevom obavila inspeksijski nadzor u Gradu Mostaru i zapisnički konstatovala da je komunalna inspekcija Grada Mostara postupala po Vašem zahtjevu koji se odnosi na crtanje murala presuđenom ratnom zločincu Slobodanu Praljak koji se nalazi u naselju Podhum blizu Prve osnovne škole i u naselju Ortiješ.

Komunalna inspekcija Grada Mostara je postupajući u okviru ovlaštenja donijela Rješenje broj:UPI-08/3-19-2442/26 od 09.03.2026. godine kojim je naloženo Gradu Mostaru, JP Komunalno doo Mostar i odgovornim osobama navedenih pravnih subjekata da izvrše uklanjanje murala oslikanog na južnoj strani fasade gradskog objekta izgrađenog na parceli označenoj kao k.č. 941/256 u k.o Ortiješ u Mostaru, sa rokom izvršenja od 3 dana.

Nakon navedenog Rješenja koje nije dobrovoljno izvršeno, komunalna inspekcija je donijela Zaključak o dozvoli izvršenja pomenutog Rješenja dana 24.03.2026. godine. Prisilno izvršenje je bilo zakazano za dan 10.04.2024 godine u naselju Ortiješ, koje nije provedeno (prema navodima iz zapisnika postupajućeg inspektora) iz razloga što pripadnici PU Mostar nisu pružili pomoć inspektorima na način da se odstrani grupa građana koji su obstruirali izvršenje i da se nalazilo parkirano vozilo reg. oznaka FA- 166- XE uz samu južnu fasadu na kojoj je oslikan mural koji treba ukloniti.

Postupajući po navedenom zahtjevu Upravni inspektor je donio Rješenje kojim se naređuje komunalnoj inspekciji Grada Mostara da izvrši započeto izvršenje Rješenja broj: UPI-08/3-19-2442/26 od 09.03.2026. godine, da se ukloni nacrtani mural na južnoj strani fasade gradskog objekta izgrađenog na parceli označenoj kao k.č.941/256 u k.o Ortiješ u Mostaru, sa rokom izvršenja od 15 dana i da se obavijesti upravni inspektor.

Komunalna inspekcija Grada Mostara postupajući u okviru ovlaštenja koja su propisana Odlukom o komunalnom redu koja je donesena od strane Gradskog vijeća Grada Mostara dana 28.10.2021.godine na osnovu Zakona o komunalnoj djelatnosti Hercegovačko - neretvanskog kantona („ Službene novine HNK“ broj: 4/16 ) kojim propisima nije propisano da komunalni inspektor Grada Mostara može vršiti uklanjanje grafita kao i murala sa privatnih objekata.

Komunalna inspekcija Grada Mostara nas je obavjestila svojim aktom od 23.04.2026. godine da je izvršeno rješenje komunalnog inspektora broj:UPI-08/3-19-2442/26 od 09.03.2026. godine.

Također Vas obaviještavamo da komunalna inspekcija Grada Mostara ne može postupati u ovoj pravnoj stvari jer nema zakonskog osnova za postupanje po zahtjevu za uklanjanje nacrtanog murala na privatnoj kući koja se nalazi blizu Prve osnovne škole u Mostaru iz razloga što je članom 145a Krivičnog zakona Bosne i Hercegovine propisano krivično djelo izazivanje nacionalne, rasne, vjerske mržnje i netrpeljivosti za koje je nadležan Sud Bosne i Hercegovine, pa je radi toga i obaviješteno Tužilaštvo Bosne i Hercegovine da provede istragu o navedenom.

S poštovanjem !



Prilog :

- kopija akta o zatraženom odgovoru na Zastupničko pitanje od 09.04.2026. godine,
- kopija Rješenja komunalnog inspektora broj: UPI-08/3-19-2442/26 od 09.03.2026. godine,
- kopija Zaključka o dozvoli izvršenja rješenja broj:UPI -08/3-19-2442/26 od 24.03.2026.godine,
- kopija Obavijesti komunalne inspekcije od 23.04.2026. godine,
- kopija akta kojim se informiše Tužilaštvo Bosne i Hercegovine od 28.04.2026. godine.

Bosna i Hercegovina  
Federacija Bosne i Hercegovine  
Hercegovačko – neretvanski kanton  
Ministarstvo pravosuđa, uprave i lokalne samouprave  
Sektor upravne inspekcije  
Broj:04-04-218/26-1  
Mostar:28.04.2026. godine.

TUŽILAŠTVO BOSNE I HERCEGOVINE  
Ul. Kraljice Jelene br. 88  
71000 Sarajevo

Predmet : INFORMACIJA radi postupanja- dostavlja se

Upravnoj inspekciji ovoga ministarstva zahtjev za inspekcijski nadzor u Gradu Mostaru podnio je Sanel Kajan kao zastupnik u Zastupničkom domu Federacije Bosne i Hercegovine kao i Zastupničko pitanje koje se odnosi na davanje odgovora o uklanjanju iscrtanih murala i grafita koji veličaju presuđene ratne zločince i sadrže govor mržnje, traži od Glavnog kantonalnog upravnog inspektora odgovor o tome i da izvrši inspekcijski nadzor nad Službom za inspekciju Grada Mostara.

U vezi sa navodima Upravna inspekcija HNK je postupajući u okviru zakonskih ovlaštenja i u skladu sa zahtjevom obavila inspekcijski nadzor u Gradu Mostaru i zapisnički konstatovala da je komunalna inspekcija Grada Mostara postupala po navedenom zahtjevu koji se odnosi na crtanje murala presuđenom ratnom zločincu Slobodanu Praljak i to na način da se navedeni mural nalazi u naselju Podhum blizu Prve osnovne škole ( koja je privatna imovina) mural nacrtan i u naselju Ortiješ koji je nacrtan na objektu Grada Mostara.

Komunalna inspekcija Grada Mostara je postupajući u okviru ovlaštenja donijela Rješenje broj:UPI-08/3-19-2442/26 od 09.03.2026.godine kojim je naloženo Gradu Mostaru JP Komunalno doo Mostar i odgovornim osobama navedenog pravnog subjekta da izvrše uklanjanje murala oslikanog na južnoj strani fasade gradskog objekta izgrađenog na parceli označenoj kao k.č. 941/256 u k.o Ortiješ u Mostaru, sa rokom izvršenja od 3 dana.

Nakon navedenog Rješenja koje nije dobrovoljno izvršeno, komunalna inspekcija Grada Mostara je donijela Zaključak o dozvoli izvršenja pomenutog Rješenja dana 24.03.2026. godine. Prisilno Izvršenje je bilo zakazano za dan 10.04.2024. godine u naselju Ortiješ, koje nije provedeno ( prema navodima iz zapisnika postupajućeg inspektora) iz razloga što pripadnici PU Mostar nisu pružili pomoć inspektorima na način da se odstrani grupa građana koji su obstruirali izvršenje i što se nalazilo parkirano vozilo reg. Oznaka FA- 166- XE uz samu južnu fasadu na kojoj je oslikan mural koji treba ukloniti.

Postupajući po navedenom zahtjevu i u okviru zakonskih ovlaštenja, Upravni inspektor je donio Rješenje kojim se naređuje komunalnoj inspekciji Grada Mostara da izvrši započeto izvršenje Rješenja broj: UPI -08/3-19-2442/26 od 09.03.2026.godine i da se ukloni nacrtani mural na južnoj strani fasade gradskog objekta izgrađenog na parceli označenoj kao k.č. 941/256 u k.o.Ortiješ u Mostaru, sa rokom izvršenja od 15 dana, i da se obavijesti upravni inspektor.

Komunalni inspektor Grada Mostara nas je svojim aktom od 23.04.2026.godine obavijestio da je navedeno Rješenje izvršeno je izvršeno dana 23.04.2026. godine u 9,00 sati.

Ovu informaciju dostavljamo Tužilaštvu BiH iz razloga što komunalna inspekcija Grada Mostara nema zakonskog osnova za postupanje za uklanjanje nacrtaoog murala presuđenom ratnom zločincu Slobodanu Praljak koji se nalazi na privatnoj kući blizu Prve osnovne škole u Mostaru.

Komunalna inspekcija Grada Mostara postupa na osnovu Zakona o komunalnoj djelatnosti HNK („ Službene novine HNK broj : 4/16 “) i Odluke o komunalnom redu Grada Mostara („ Službeni glasnik Grada Mostara broj: 8/09“), **članom 145 a Krivičnog zakona Bosne i Hercegovine je propisano krivično djelo izazivanje nacionalne, rasne i vjerske mržnje i netrpeljivosti**, za koje je naležan Sud Bosne i Hercegovine, te iz toga razloga se ova informacija dostavlja Tužilaštvu BiH radi postupanja.

S poštovanjem !



Prilog

- kopija zahtjeva za inspekcijski nadzor od 09.04.2026. godine
- kopija Rješenja komunalnog inspektora broj UPI -08/3-19-2442/26 od 09.03.2026. godine
- kopija Zaključka o dozvoli izvršenja rješenja broj:UPI-08/3-19-2442/26 od 24.03.2026.godine. .
- . kopija obavijesti komunalne inspekcije Grada Mostara od 23.04.2026. godine.
- kopija Odgovora na postavljeno zastupničko pitanje Sanelu Kajan

**BOSNA I HERCEGOVINA**  
**FEDERACIJA BOSNE I HERCEGOVINE**  
**HERCEGOVAČKO-NERETVANSKA ŽUPANIJA/KANTON**  
**GRAD MOSTAR**  
**ODJEL ZA PRIVREDU, KOMUNALNE I INSPEKCIJSKE POSLOVE**  
**SLUŽBA ZA INSPEKCIJSKE POSLOVE**

Broj: UPI-08/3-19-2442/26  
Mostar, 23.04.2026. godine

PRIMLJENO:	28.4.2026		
Organizacioni poimari	Broj posla	Broj prij	Broj pologa
09			



HNŽ/K  
Ministarstvo pravosuđa, uprave  
i lokalne samouprave  
Sektor upravne inspekcije

PREDMET: Obavijest – dostavlja se  
-Veza Vaš broj: 04-04-218/26 -

Obavještavam Vas da je dana 23.04.2026.god. izvršeno rješenje komunalnog inspektora broj: UPI-08/3-19-2442/26 od 09.03.2026.godine kojim je naloženo uklanjanje oslikanog murala s likom Slobodana Praljka s južne fasade objekta (u posjedu Grada Mostara) izgrađenog na parceli označenoj kao k.č. 941/256 u k.o. Ortiješ u Mostaru.


S poštovanjem,

KOMUNALNA INSPEKTORICA

  
Jagoda Barbarić

Dostaviti:

1. Naslovu
2. Inspektoru



**BOSNA I HERCEGOVINA**  
**FEDERACIJA BOSNE I HERCEGOVINE**  
**HERCEGOVAČKO NERETVANSKA ŽUPANIJA/KANTON**  
**GRAD MOSTAR**  
**ODJEL ZA PRIVREDU, KOMUNALNE I INSPEKCIJSKE POSLOVE**  
**SLUŽBA ZA INSPEKCIJSKE POSLOVE**  
Broj: UPI-08/3-19-2442/26  
Mostar, 24.03.2026.godine

Komunalni inspektor Grada Mostara, Službe za inspeksijske poslove, po službenoj dužnosti, u predmetu izvršenja rješenja broj UPI-08/3-19-2442/26 od 09.03.2026 godine, a na temelju odredbe članka 275. stavak 1. Zakona o upravnom postupku ( Službene novine F BiH broj: 2/98), d o n o s i:

**Z A K L J U Č A K**  
**o dozvoli izvršenja rješenja**

1. Utvrđuje se da je rješenje komunalnog inspektora broj UPI-08/3-19-2442/26 od 09.03.2026.godine postalo izvršno dana 24.03.2026.godine, pa se dozvoljava njegovo izvršenje.
2. Izvršenici Grad Mostar i JP Komunalno d.o.o. Mostar dužni su u roku od jednog dana da uklone mural s likom Slobodana Praljka oslikanog na južnoj fasadi gradskog objekta izgrađenog na parceli označenoj kao k.č. 941/256 u k.o. Ortiješ u Mostaru.
3. Ako izvršenici ne izvrši uklanjanje predmetnog murala u ostavljenom roku pristupiti će se prisilnom administrativnom izvršenju rješenja.
4. U slučaju potrebe, ovaj organ zatražiti će asistenciju organa unutarnjih poslova u provođenju izvršenja.
5. Žalba ne odlaže započeto izvršenje.

**Obrazloženje**

Rješenjem komunalnog inspektora Grada Mostara broj: UPI-08/3-19-2442/26 od 09.03.2026. godine naloženo je Gradu Mostaru, JP Komunalno d.o.o. Mostar i odgovornim osobama navedenih pravnih subjekata da izvrše uklanjanje murala oslikanog na južnoj fasadi gradskog objekta izgrađenog na parceli označenoj kao k.č. 941/256 u k.o. Ortiješ u Mostaru. Rješenje je strankama dostavljeno dana 19.03.2026.god. s ostavljenim rokom za postupanje od 3 dana.

U kontrolnom inspeksijskom pregledu izvršenom dana 24.03.2026. godine utvrđeno je da u ostavljenom roku nije postupljeno po rješenju komunalnog inspektora broj: UPI-08/3-19-2442/26 od 09.03.2026.godine odnosno nije izvršeno uklanjanje murala oslikanog na južnoj fasadi gradskog objekta izgrađenog na parceli označenoj kao k.č. 941/256 u k.o. Ortiješ u Mostaru, pa se na temelju odredbe članka 275. ZUP-a donosi se Zaključak o dozvoli izvršenja.

**Pouka o pravnom lijeku**

Protiv ovog Zaključka može se izjaviti žalba Žalbenom vijeću Grada Mostara u roku od 8 (osam) dana od dana primitka istog. Žalba se predaje putem ovog Odjela u pisanom obliku, i na istu se plaća pristojba u iznosu od 20,00 KM na žiro račun broj 5550000020190859 kod Nova Banka AD Banja Luka, vrsta prihoda 722131, šifra grada 180, a u skladu sa odredbama

Odluke o gradskim administrativnim pristojbama s Tarifom administrativnih pristojbi Grada Mostara, (Službeni glasnik Grada Mostara, broj: 12/25).

KOMUNALNA INSPEKTORICA

*Jagoda Barbarić*

Jagoda Barbarić

Dostaviti:

1. Grad Mostar  
N/r Gradonačelnika
2. JP Komunalno d.o.o. Mostar
3. Služba izvršenja
4. PU Mostar
5. Inspektoru



**BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO NERETVANSKA ŽUPANIJA/KANTON  
GRAD MOSTAR  
ODJEL ZA PRIVREDU, KOMUNALNE I INSPEKCIJSKE POSLOVE  
SLUŽBA ZA INSPEKCIJSKE POSLOVE**

Broj: UPI-08/3-19-2442/26  
Mostar, 09.03.2026. godine

Komunalni inspektor u predmetu nadzora nad uređenjem naselja, po službenoj dužnosti, a na temelju odredbe članka 114. Odluke o komunalnom redu ( Službeni glasnik Grada Mostara, broj: 20/21) i odredbe članka 200. Zakona o upravnom postupku ( Službene novine F BiH broj: 2/98), d o n o s i:

### **R J E Š E N J E**

1. Nalaže se Gradu Mostaru, JP Komunalno d.o.o. Mostar i odgovornim osobama navedenih pravnih subjekata da izvrše uklanjanje murala oslikanog na južnoj fasadi gradskog objekta izgrađenog na parceli označenoj kao k.č. 941/256 u k.o. Ortiješ u Mostaru
2. Rok za izvršenje rješenja je 3 (tri) dana.
3. Žalba ne odlaže izvršenje rješenja.

### **Obrazloženje**

Dana 18.02.2026.god. zaprimljen je putem e maila zahtjev Sanela Kajana za postupanje inspekcije u cilju uklanjanja oslikanih murala i to u naseljima Podhum i Ortiješ.

Dana 24.02.2026. godine izvršen je inspekcijski nadzor na navedenim lokalitetima.

Utvrđeno je da je na sjevernoj fasadi objekta izgrađenog na parceli označenoj kao k.č.5118/1 u k.o. Mostar II koji je u vlasništvu privatnih lica (Kamberi Mevap, Kamberi Sefedin i Marijanović Zoran, svi sa udjelom od 1/3) oslikan mural kao i na južnoj fasadi gradskog objekta izgrađenog na parceli označenoj kao k.č. 941/256 u k.o. Ortiješ u Mostaru.

U provedenom ispitnom postupku nije utvrđen identitet osoba koji su izvršili oslikavanje predmetnih murala.

Prema Zkonima i propisima koji su u okviru nadležnosti komunalne inspekcije inspektor je ovlašten da postupa samo na javnim površinama i objektima pa se temeljem odredbe članaka 113. Odluke o komunalnom redu (Službeni glasnik Grada Mostara broj:20/21), rješava kao u tačkama 1.,2. i 3. dispozitiva rješenja.

### **Pouka o pravnom lijeku**

Protiv ovog rješenje može se izjaviti žalba Žalbenom vijeću Grada Mostara u roku od 8 (osam) dana od dana primitka istog. Žalba se predaje putem ovog Odjela u pisanom obliku, i na istu se plaća pristojba u iznosu od 20,00 KM na žiro račun broj 5550000020190859 kod Nova

Banka AD Banja Luka, vrsta prihoda 722131, šifra grada 180, sukladno odredbama Odluke o gradskim administrativnim pristojbama s Tarifom administrativnih pristojbi Grada Mostara („Službeni glasnik Grada Mostara“, broj: 12/25).

**KOMUNALNA INSPEKTORICA**  
*Jagoda Barbarić*  
**Jagoda Barbarić**

Dostaviti:

1. Grad Mostar, n/r Gradonačelnika
2. JP Komunalno d.o.o. Mostar
3. inspektoru





BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES  
*Secretary*

Broj: 05/1-02-188/26  
Sarajevo, 03.4.2026. godine

Bosna i Hercegovina  
Federacija Bosne i Hercegovina  
HERCEGOVAČKO-NERETVANSKI KANTON  
HERCEGOVAČKO-NERETVANSKA ŽUPANIJA  
MINISTARSTVO PRAVOSUĐA, UPRAVE I LOKALNE SAMOUPRAVE

PRIMLJENO:	9.4.2026		
Organizacioni broj:	05	45	218
Poslovni broj:			
Broj stranica:			

FEDERALNA UPRAVA ZA INSPEKCIJSKE POSLOVE  
n/p gđe. Ivane Prvulović, direktorice

VLADI HERCEGOVAČKO-NERETVANSKOG KANTONA  
n/p gđe. Dubravke Husić, tajnika

MINISTARSTVO PRAVOSUĐA, UPRAVE I LOKALNE SAMOUPRAVE  
HERCEGOVAČKO-NERETVANSKOG KANTONA  
n/p glavnog kantonalnog upravnog inspektora

PREDMET: Zastupnička pitanja

U privitku Vam dostavljamo na nadležni postupak zastupnička pitanja koja je postavio Sanel Kajan zastupnik u Zastupničkom domu Parlamenta Federacije BiH.

Molimo Vas da sukladno članku 116. stavak 3. Poslovnika Zastupničkog doma Parlamenta Federacije BiH odgovore dostavite u roku od 15 dana od dana kada su postavljena zastupnička pitanja.

S poštovanjem,

Dostaviti:  
- Naslovu  
- Službi Zastupničkog doma  
- a/a



TAJNIK

Ivan Miličević

## ZASTUPNIČKA PITANJA

(na osnovu članova 11. i 116. Poslovnika Predstavničkog doma Parlamenta Federacije BiH)

### Upućuju se:

- Federalnoj upravi za inspekcijske poslove (FUZIP)
- Ministarstvu pravosuđa, uprave i lokalne samouprave Hercegovačko-neretvanskog kantona – Glavnom kantonalnom upravnom inspektoratu i nadležnoj kantonalnoj inspekciji

Već duže vrijeme nailazim na prepreke i svojevrsne opstrukcije kada je riječ o radu Službe za inspekcijske poslove Grada Mostara. Više puta sam prijavljivao nezakonite radnje u pogledu iscrtavanja murala presuđenim ratnim zločincima, te grafita sa izraženim govorom mržnje i porukama međunacionalne netrpeljivosti.

Na svaku moju prijavu, odgovor Službe za inspekcijske poslove Grada Mostara i postupajućih inspektora bio je identičan: navode da su murali na privatnim površinama i da oni tu ne mogu ništa.

Ovakav stav je apsolutno neprihvatljiv i pravno neutemeljen. Inspekcija svjesno ignorira činjenicu da se ovdje ne radi o estetskom pitanju fasade, već o direktnom kršenju Krivičnog zakona BiH (član 145a), kao i više članova Krivičnog zakona Federacije BiH koji se odnose na izazivanje narodnosne, rasne i vjerske mržnje, razdora ili netrpeljivosti.

Znači li ovakvo tumačenje zakona da bilo ko, na zidu svoje kuće, može slobodno postaviti nacističke oznake, veličati ratne zločince, negirati genocid i otvoreno širiti mržnju bez ikakve sankcije? Privatna površina ne može biti eksteritorijalna zona u kojoj zakoni države i entiteta ne važe.

Stoga, postavljam sljedeća zastupnička pitanja, te očekujem pisani odgovor na ista:

**-Da li je stav Službe za inspekcijske poslove Grada Mostara, prema kojem se ne postupa u slučajevima iscrtavanja murala i grafita koji veličaju presuđene ratne zločince i sadrže govor mržnje, uz obrazloženje da se nalaze na privatnim površinama - zakonit i utemeljen na važećim propisima?**

**-Da li nadležne inspekcijske službe imaju obavezu postupanja u slučajevima kada sadržaj na privatnoj imovini predstavlja kršenje odredbi Krivičnog zakona Bosne i Hercegovine (član 145a) i relevantnih odredbi Krivičnog zakona Federacije BiH koje se odnose na govor mržnje, širenje nacionalne, rasne i vjerske netrpeljivosti?**

**-Koje konkretne mjere su Federalna uprava za inspekcijske poslove i nadležna kantonalna inspekcija do sada poduzele po prijavama koje se odnose na ovakve slučajeve na području Grada Mostara?**

**-Da li je izvršen inspekcijski nadzor nad radom Službe za inspekcijske poslove Grada Mostara u vezi sa navedenim prijavama, te ako jeste – koji su rezultati tog nadzora?**

**-Da li se može smatrati prihvatljivim pravnim standardom da se na privatnim objektima nesmetano postavljaju sadržaji koji uključuju:** ✓

- veličanje presuđenih ratnih zločinaca,
- negiranje genocida,
- isticanje fašističkih i nacističkih simbola,
- te poruke koje podstiču međunacionalnu mržnju i netrpeljivost?

**Ako ne – koje mjere će nadležne institucije poduzeti kako bi se ovakve pojave spriječile i sankcionisale?**

**-Ko je konkretno nadležan za uklanjanje spornih murala i grafita koji sadrže elemente krivičnih djela i govora mržnje u slučajevima kada se nalaze na privatnim površinama?** ✓

**-Koje će hitne mjere Federalna uprava za inspekcijske poslove i nadležno kantonalno ministarstvo poduzeti kako bi se osiguralo zakonito postupanje i spriječilo dalje širenje međunacionalne mržnje i veličanje ratnih zločinaca na području Mostara?**

#### **Obrazloženje:**

Mostar je grad koji je pretrpio teške ratne strahote, te svako tolerisanje ovakvih pojava predstavlja dodatnu uvredu za žrtve, podriivanje mira i stvaranje osjećaja nesigurnosti među građanima.

S tim u vezi, zahtijevam hitnu reakciju nadležnih institucija i jasno tumačenje zakonskih obaveza u ovakvim slučajevima.

Pozivam FUZIP da, u okviru svojih nadležnosti nadzora nad radom nižih organa uprave, poduzme hitne mjere i ispita zakonitost postupanja (odnosno nepostupanja) Službe za inspekcijske poslove Grada Mostara.

Tražim odgovor: Koje mehanizme Federalna uprava planira pokrenuti kako bi se osiguralo uklanjanje spornih sadržaja koji potkopavaju mir i stvaraju osjećaj nesigurnosti kod građana Mostara?

Zahtijevam od Glavnog kantonalnog upravnog inspektora da izvrši inspekcijski nadzor nad Službom za inspekciju Grada Mostara.

Tražim pojašnjenje: Na osnovu kojeg zakonskog propisa se privatno vlasništvo izuzima od primjene odredbi o zabrani govora mržnje i javnog veličanja presuđenih ratnih zločinaca?

O svemu ću, kao federalni zastupnik, obavijestiti Parlament Federacije Bosne i Hercegovine.

**Sanel Kajan**  
zastupnik u Predstavničkom domu Parlamenta Federacije BiH

2.4.2026.

